

kantonalih propisa koji se mogu donijeti prije donošenja Zakona o lokalnoj samoupravi.

Ustavni sud Federacije, u funkciji zaštite principa ustavnosti kao temelja za razvoj demokracije i vladavine prava, odlučio je kao u izreci rješenja iz sljedećih razloga:

Člankom IV.B.3.7.c) Ustava Federacije Bosne i Hercegovine propisana je nadležnost premijera Federacije Bosne i Hercegovine, gdje je, pored ostaloga, utvrđeno da je premijer nadležan za "provođenje politike i izvršavanje zakona federalne vlasti, uključujući osiguranje izvršenja odluka sudova Federacije."

Člankom IV.C.12. Ustava Federacije Bosne i Hercegovine propisano je da su odluke Ustavnog suda Federacije konačne i obvezujuće, a čl. 40. i 41. Zakona o postupku pred Ustavnim sudom Federacije Bosne i Hercegovine regulirane su pravne posljedice donesenih odluka.

Člankom 61. Poslovnika Ustavnog suda Federacije Bosne i Hercegovine također je propisano da su odluke Ustavnog suda Federacije konačne i obvezujuće i da su tijela vlasti u Federaciji Bosne i Hercegovine u okviru svojih nadležnosti utvrđenih Ustavom i zakonom dužni provoditi odluke Suda. Pored toga, navedenim člankom Poslovnika Ustavnog suda Federacije Bosne i Hercegovine propisano je da Ustavni sud Federacije u slučaju nepostupanja, odnosno kašnjenja u izvršavanju ili obavještanju Suda o poduzetim mjerama, donosi rješenje kojim se utvrđuje da odluka Suda nije izvršena i dostavlja ga nadležnom tužiteljstvu, odnosno drugom organu nadležnom za izvršenje kojeg odredi Sud. Polazeći od ustavnih i zakonskih odredbi, a nakon uvida u podatke koje je dostavio premijer Federacije Bosne i Hercegovine, Ustavni sud Federacije je utvrdio da Presuda ovog suda broj: U-32/10 od 18.11.2010. godine, nije izvršena.

Stoga je Ustavni sud Federacije, sukladno pomenutim odredbama, odlučio kao u izreci ovog rješenja.

Ovo rješenje Ustavni sud Federacije je donio jednoglasno u sastavu: mr. Kata Senjak, predsjednica Suda, Sead Bahtijarević, mr. Ranka Cvijić, Aleksandra Martinović, Domin Malbašić i mr. Faris Vehabović, suci Suda.

Broj U-32/10
24. maja 2011. godine
Sarajevo

Predsjednica
Ustavnog suda Federacije
Bosne i Hercegovine
Mr. Kata Senjak, s. r.

FEDERALNI ZAVOD ZA STATISTIKU

SAOPĆENJE

O PROSJEČNOJ ISPLAĆENOJ MJESEČNOJ NETO PLAĆI ZAPOSLENIH U KANTONU SARAJEVO ZA NOVEMBAR/STUDENI 2011. GODINE

1. Prosječna isplaćena mjesečna neto plaća po zaposlenom ostvarena u Kantonu Sarajevo za novembar/studen 2011. godine iznosi 1003,48 KM.

Broj 4
10. januara 2012. godine
Sarajevo

Direktorica
Hidajeta Bajramović, s. r.

ISPRAVKE

Skupština Kantona Sarajevo

Po izvršenom savjetovanju sa izvornim tekstom utvrđeno je da se u Odluci o potvrđivanju imenovanja vršilaca dužnosti predsjednika i članova Skupštine Kantonalnog javnog komunalnog preduzeća "Pokop" d.o.o. Sarajevo potkrala štamparska greška u imenovanjima, te se u skladu sa odredbom člana 158. Poslovnika Skupštine Kantona Sarajevo ("Službene novine Kantona Sarajevo", br. 25/10 - Prečišćeni tekst, 14/11 i 19/11), daje sljedeća

ISPRAVKA

I

"U Odluci o potvrđivanju imenovanja vršilaca dužnosti predsjednika i članova Skupštine Kantonalnog javnog komunalnog preduzeća "Pokop" d.o.o. Sarajevo ("Službene novine Kantona Sarajevo", broj 1/12), umjesto Asima Karovića, vršioca dužnosti predsjednika Skupštine, treba da stoji Edin Hadžiomerović.

Dosadašnji vršilac dužnosti predsjednika Skupštine Asim Karović postaje vršilac dužnosti člana Skupštine".

II

Ovu Ispravku objaviti u "Službenim novinama Kantona Sarajevo".

Broj 01-05-393-1-Ispravka/12
23. januara 2012. godine
Sarajevo

Sekretar
Abid Kolašinac, s. r.

Ministarstvo finansija

Nakon izvršenog savjetovanja sa tekstom Uputstva o finansijskom planiranju, izvršavanju Budžeta Kantona Sarajevo i evidentiranju rashoda i izdataka prema izvorima sredstava u fiskalnoj godini, utvrđeno je da se u Uputstvu o izmjenama i dopunama Uputstva o finansijskom planiranju, izvršavanju Budžeta Kantona Sarajevo i evidentiranju rashoda i izdataka prema izvorima sredstava u fiskalnoj godini broj 08-01-14-10701/11 od 22.11.2011. godine objavljenom u ("Službenim novinama Kantona Sarajevo", broj 31/11), uočena je štamparska greška, te se daje slijedeća

ISPRAVKA

UPUTSTVA O IZMJENAMA I DOPUNAMA UPUTSTVA O FINANSIJSKOM PLANIRANJU, IZVRŠAVANJU BUDŽETA KANTONA SARAJEVO I EVIDENTIRANJU RASHODA I IZDATAKA PREMA IZVORIMA SREDSTAVA U FISKALNOJ GODINI

U Uputstvu o izmjenama i dopunama Uputstva o finansijskom planiranju, izvršavanju Budžeta Kantona Sarajevo i evidentiranju rashoda i izdataka prema izvorima sredstava u fiskalnoj godini ("Službene novine Kantona Sarajevo", broj 31/11) u tački 2. stav 3. iza broja "8" izostavljen je broj "10". Navedeni stav treba da glasi:

- Tačke 8., 10., 11. i 13. se brišu, a dosadašnje tačke 9., 12., 14., 15. i 16. postaju tačke 8., 9., 10., 11. i 12.

Broj 08-01-14-10701/11
22. septembra 2011. godine
Sarajevo

Ministar
Muhamed Kozadra, s. r.